

Wagfa hya w waldha ftri9i
Dayez f tomobile, chaft fya 7dart 3aynia w bla3t ri9i
Meddat yeddiha fjihti
Chaft fiha nazzalt jaje w galt Lah yssahhel a mimti
Ch7al sahel tgoul Lah yssahhel melli Rabbi mssahhel 3lik
Katchouf fihom na9ess w tgoul 7akmo 3lik
Yemken, 7it labass 3lik w yemken 7it nakhaltihom
Yemken 7it 7ekmate f sa3a w bghawek t7ann 3lihom
Dawazt première fat dou l7mer w ma b9itch cheft fiha
Gha mra charfa kat3awed chi wa7ed khor ghay 7ann 3liha
3afta wa7da ldar, lmossi9a b jjahd
Lmra daghia taret men lbal w ma b9a 3endi liha jahd
L9ar3a ddat lya jahd li kan 3andi fel boite
2000 Dh 3la chmayt w le97ab w f wadni 1000 Watt
Kammalt nhar mtemman ma 3aref li jari lia
Temma fel khadma sabrou 3yaw f lakhar jraw 3lya

Kharej men lkhadma mcharban, kolchi tcheffa fya
(Eh 3ammo jraw 3lik)
Yeddek fih b9a katchouf fya
A7san khedma ghadi ndkhol liha b mallion lch'har
Diplômé fel Akhawayn, la ma bghawch ghadi na3tihom b dhar
Mabghitch, khadma b sahel wella khadma b SMIG
Khouk baghi ssarf, 7ram 7lal bla mrig
3000 Dh lch'har, huh! bla bsala
Nsit belli ssarf li fel compte dyali 9arrab yetsala
Cha'hrayn men ba3d, l9it rassi bla ma la dou
La phone la internet, w chômage da3 3endi kaydour
3yit ma nehrab w ngoul, ba9i nel9a khedma
Ghir ndawaz bachma kan w n3addi men hna ltemma
Nemchi ldar, 3lach?
L3a2ila, w blach
W jiran, lach?
Yemkan nmout, wa 3lach?
Ba3t akhir 7aja naksab dar li hya taj
F dik sa3a na3raf rassi awal marra nwalli me7taj

Men villa khrajt lzan9a, 7achman netlob
Nhar lawal tani talet jou3 bda fya kay3tab
Meddit yeddia lga3 li b7ali b7alhom
Chi wa7din 9raw m3aya lbare7 3lya lyouma galbo wjahom
W9aft f ddo le7mer w chta khit men ssma
Tomobile li tdouz ma ta3tini 7ta guimt bach neftar
Ga3 li chafou fya hazzo 3aynihom lsma
Diplôme l "cadre" ma nfe3ni b walo lyoum dad l'9dar
Chta ba9a katsobb wana chadd rokna
Lgarro li 3omri ma kmito wella 7daya mrakken
Ri7t lmout wellate fya lyouma chadda sokna
Netlob Lah imta la9bar yejma3ni men had ddell
Galess ji3an b7al lmaj7oum ma kantsanna gha lmout
L9it idd madda lya tarf del khobz ga3ma m3awal
Hezzit 3aynia b dmou3 nchouf chkoun
L9itha lmra li ma tsowa9tch liha f tomobil nhar lowal